

ЯМДЕЛИЙ

1933 ий 1 февраль годсек лектеш.

0+

Пакчасаска гыч - ШҮМ



Д.ВЕДЕНЬКИНЫН фотожо.

Снегым, мörым, шоптырым да моло емыж-саскам погымо пагытым пакчасаска шумо жап алмаштен. Парник ден теплицыште помидор чеверген кеча, шере пурис я йошкардын, я нарынчын, я ужардын коеш. Пакчаште кабачок, кавун сөснайгыла койын кият. Озавате-влак тедылан түрлө салатим ямдылат. Теве Шернур район Чылдемыр ял гыч Катя Смышляева ден Максим Назаров **(снимкыште)** аваштлан салатим ышташ ковыштам, кабачоком, кавуним, помидорим ямдыленыт. А олма гыч компотим шолтат. Кенез мучко йыранлаште шүкшудым кұрыныт, вұдым шавеныт.

- Кажне пакчасаска пайдале. Садлан шүм семын нуным оптенна, - ойлат Катя ден Максим.

Х.АЛЕКСАНДРОВА.

Лудса:

Кужэнгер район Саламатнур ялыште салтак «кынелын шогалын». Кузе тыге? Йодышлан вашмутым лаштыкнам шергалмеке муыда.

3

«Строй дене ошкылмышт годым пörтын кокымшо пачашыже гыч гранатим кудалтеныт. Гранате чыланыштым кұрышт пытарен, кочамым Юмо арален», - воза Оршанке район Упшо гыч Денис Гараев.

4

Кужэнгер район Руш Шой гыч Дима Ефремовын, Звенигово район 2-шо номеран Красногорский школ гыч Аня Виногорован пашаштым савыктыме.

5

Лаштыкыште сар теме дене кылдалтше ятыр уш-тодышым верандыме. Шергалза лаштыкнам.

6

ПОДПИСКЕ



«Ямделий» газетлан кажне тылзын 15 числа марте возалташ лиеш.

Подписчик-влак коклаште лотерейым эртарена. Эм кугу пöлек - электрокофга. **ПОДПИСКЫМ** ыштыза да квитанцийжым але копийжым редакцийышке колтыза.

Индекс - П4696.

Рекламе.

Марий каваште – муру турий

Фотом еш архив гыч налме



Лүмлө марий поэт Валентин Колумбын шочмыжлан 85 ий темме лүмеш «Колумб лудмаш-2020» регион-влак кокласе сылнымут фестиваль Йошкар-Олаште онлайн эртен. Тений тудо 36-шо гана лийын.

7 ияш марте лудшо-влак коклаште Анна Иванова (Морко, Коркатово) марла, 1-ше номеран Морко йочасад гыч Мария Викторова рушла лудмышт дене сенышыш лектыныт. 1-ше номеран Морко школ гыч Никита Мамаев да Анна Смирнова (Медведево, Руэм) 8-10 ияш-влак коклаште ойыртемаптыныт. Шке возымо почеламутым лудшо-влак коклаште Волжский район Карай школ гыч Даниил Романов (**снимкыште**) чылам öрыктарен.

11-14 ияш-влак коклаште Карина Рослякова (Йошкар-Ола, 29-ше №-ан шк.) да Изольда Яковлева (1-ше №-ан Морко шк.) икымше лийыныт.

Ю.ИСАКОВ,
жюри ен.

Килемар район гыч Роман Кошкин рушла эн сайын лудын. Марий Турек район Арбор школ гыч Диана Семёнова шке возымо почеламутым лудшо-влак коклаште ойыртемаптыныт. А Дианан акаже, Лиана Семёнова, 15-18 ияш-влак коклаште марла сылнын лудмыж дене сенышыш лектын. Леонид Андреев (Морко, Шүргыял) шке возымо почеламутшо дене икымше лийын.

Акций

Марий Эл Республикын социальный виангмаш министрствыже «**Семья помогает семье: Готовимся к школе**» поро кумылым ончыктышо акцияш ушнаш үжеш. Тудо шуко шочшан, неле илыш йыжынгыш логалше, тичмаш огыл еш, ача-ава деч посна кодшо икшыве-влаклан полшымо шонымаш дене 3 гыч 31 август марте эртаралтеш.

Мемнан республикыште нине тўшкашке пурышо 26 269 йоча уло. Полыш түрлө лийын кертеш: вургем, йолчием, канцеляр сату, рюкзак, маске, перчатке, дезинфицироватлыше средство да молат. Оксамат колташ лиеш. Тидын нерген кумданрак министерствын сайтыштыже лудса.

мөнгыштö тунемын пытарышна. Сандене школыш кайыдем чо-от шуэш.

А те, ўдыр-рвезе-влак, 1 сентябрьым вучеда?

Морко посёлко.

Елена СЕМЕНОВА.

Россий Федерацийысе просвещений министр

С.Кравцовын ойжо почеш, 1 сентябрьыште йоча-влак школышко каят,

Роспотребнадзорын йодмашыжым шуктен, у тунемме ий очный формат дене тўналеш. Регионысо эпидемиологический ситуацийым ончен, верысе вуйлатыше-влак торжественный линейкым эртарыме шотышто пунчалым луктыт.

Увер

3 сентябрьыште Марий Элыште «Диктант Победы» всероссийский акция эртаралтеш. Тушко ушнаш манын, [диктантпобеды.рф](http://diktantpobedy.rf) сайтыште регистрацийым эртыман. Диктант 25 йодыш гыч шога. 20 йодыш Кугу Ачамланде сарын историйже дене кылдалтын, а 5-ше – кундемыште лийше событий-влак дене.

Ўдыр-рвезе-влак, лудмо книга почеш «Книга этого лета» всероссийский конкурсыш ушныза. Паша-влакым 1 октябрь марте колтыман. Конкурс нерген рашрак уверым class-mag.ru/lp/summerbook сайтыште муаш лиеш.

23 августышто Национальный художественный галерей Почмо омса кечым эртарат. Йоча программе да студий-влак нерген презентаций лиеш. «Красный» ончырыште йоча-влаклан экскурсийым эртарат. Мастер-классым, квиз-модышым темлат. Пайрем 11 шагатлан тўналеш.

22 август –

Россий кугыжаныш

тистын кечыже.

Тистын кечыже Россий Президент Б.Н.Ельцинын пунчалже почеш 1994 ий гыч палемдалтеш. Кум тўсан – ошо-канде-йошкарге – флаг икымше гана XVII-XVIII курым коклаште, Пётр I ачаже Алексей Михайловичын кугыжа улмо годым, «Орёл» руш военный корабль ўмбалне лойгалтын.

Ош тўс порылыкым ончыкта, канде – ўшанлыкым да чапым, йошкарге – лўддымылыкым.

Юлия УСОВА.
Марий Турек посёлко.

Вашке – 1 сентябрь

Вашке у тунемме ий тўналеш. Ме угыч школыш каена, шонем. Тидлан пеш ўшанем. Угыч парт коклашке шинчына, туныктышо да йолташ-влак дене вашлийына. Кодшо тунемме ийым

мөнгыштö тунемын пытарышна. Сандене школыш кайыдем чо-от шуэш.

А те, ўдыр-рвезе-влак, 1 сентябрьым вучеда?

Морко посёлко.

Елена СЕМЕНОВА.

Россий Федерацийысе просвещений министр

С.Кравцовын ойжо почеш, 1 сентябрьыште йоча-влак школышко каят,

Роспотребнадзорын йодмашыжым шуктен, у тунемме ий очный формат дене тўналеш. Регионысо эпидемиологический ситуацийым ончен, верысе вуйлатыше-влак торжественный линейкым эртарыме шотышто пунчалым луктыт.

Увер

2

«Ямде лий» 2020 ий 22 август

Самоизоляции годым ятыр пайдале пашам ышташ лийын. Теве Кужэгер район Саламатнур ял гыч Дмитрий Смородин (снимкыште) пу гыч шарныктышым ыштен. Дима изинек сүретлаш йөрәтен, садлан 5-ше классышке Национальный президент школ-интернатыш тунемаш куснен. 9-ше класс деч вара, пум пүчкедымаш дене мастарлыкым погаш шонен, рвезе йолташыже-влак дене Угарман кундемсе Богородск олесе художественный училищыш тунемаш пурен.

2020 ий – Шарнымаш да чап идалык.



– Тений Кугу Ачамланде сарыште сөңымылан 75 ий темын, садлан чонем изирак надырым пышташ йодын. Мыйын кок кочам: Ион Тимофеевич Сабанцев ден Иосиф Иванович Иванов – фашист-влак вацтареш кредалын. Коктынат сусыргенят да мөңгө пөрттылыныт. Иосиф кочам топольым шынден коден. Пушенге электротул воштырлан чаракым ыштен да пила дене йыген йорыктеныт. Тополь арам ынже лий манын, скульптурым ышташ кучылтынам, – каласкала рвезе.



Салтак «кынелын шогалын»

Салтак-шарныктышын кугытшо – 2,5 метр.

мыняр ең кјлын. Тич-машнек ямде лиймекше гына, салтак «кынелын шогалын». Ямде скульптурым фронтовик-влаклан пөлеклалтышеobelisk воктеке пенгыде капкылан, виян кандаш пөрзең нумалын наңгаен», – оила уста рвезе.


Тиде скульптур Саламатнур ялыште шочшо да Кугу Ачамланде сарыште кредалше, тыныс илышым кондышо фронтовик-влаклан пөлеклалтын. Салтакын оныштыжо «За отвагу» медаль кеча. Пу гыч ыштыме скульптурым Дима той тўсан чия дене чиялтен. Усталык шўлышан рвезе шочмо Саламатнур ял калыккан да тиде ял гыч сарыш кайыше салтак-влак лўмеш кугу пөлекым ыштен.

Х.АЛЕКСАНДРОВА мутланен. Фотом еш архив гыч налме.



Сарым шарныктат

Сталинградш фашист-влакын керылт пуремыштым да сөйын кузе эртымыжым «Сталинградская битва» панораме-тоштерыште ужынам. Вуй ўмбалсе сүрет-влакым ончен, сар жапыш куснымыла чучын. Мамаев курган, Павловын вич пачашан пөртшө, «Бармалей» фонтан, Курымашлык тул, памятник-влак Кугу Ачамланде сар нерген шарныктат. Кугу Ачамланде сар годым кажне салтак тыныс илышым арален кодymo верч кредалын. Ме, нунылан тауштен, эрыкан элыште куанен илышаш улына.



Сталинград кредалмаш 200 кече да йүд шуйкен.

Настя ИВАНОВА.

Морко, Коркатово.

Медведево район Руэм кыдалаш школын тунемшыже Камиль ГАБДРАФИКОВ Йошкар-Оласе Сенымаш паркыште экскурсий дене лиймыж деч вара «Труженикам тыла» памятникым сүретлен.



«Труженикам тыла» памятникым 2012 ийыште шогалтыме.

Тудын кјкшытышө – 10 метр.

Памятникын авторжо-влак – скульптор-влак Сергей Яндубаев ден Анатолий Мирнин.

Кугу Ачамланде сар годым Марий кундемшыте 240 тўжем утла ең тылыште пашам ыштен.



Сенымашлан – 75 ий

«Ямде лий» 2020 ий 22 август





2020 ий – Шарнымаш да чап идалык.



Шога салтак

Йошкар-Олаште постамент үмбалне Совет салтакым мый эре ужам. Кучен кидеш, нөлталын автоматым, Каяш тул бойыш ямде кеч-кунам. Сар годым коштын чарныде атакыш Йоратыме шке элжым аралаш. Тулан пасу ден энерла гоч коштын Осал тушманым шырпын шалаташ. Кырен элнашке керылтше тушманым, Мыняр олам, ял-влакым утарен! Берлин олан урем ден площадьлаште Фашизмым патыр вийже ден кырен. А кызыт тудо кўэмалт шогалын, Ме тудын ден эре кугешнена. Салтак воктеке толын, упшым налын, Шкенам вуйнам тудлан ме савена.

МАКС МАЙН.



Историйым шергалына

1943 ий 23 августышто 50 кече шуйнышо моткоч кугу давиян Курск крдалмаш мучашлалтын, совет войскафашист тїжкам чактарен. Тушманын 500 тїжем салтакшым, 1500 танкшым, 3700 самолётшым пытарен. Курск крдалмаште сенымаш Кугу Ачамланде сарлан тура савыртышым ыштен. Тылеч вара Йошкар Арми чумыр фронт мучко наступленийым тїжалын. 23 августышто Россияште Воинский чап кече палемдалтеш.

Мөнгө пörтылын

Кугезе кочам Семен Федорович Киселев Румынийым, Болгарийым, Югославийым, Австрийым, Чехословакийым утарымаште крдалын. Икымше наградыжым, «За отвагу» медальым, 1945 ий 28 мартыште ыштыме подвижылан налын. 1945 ий 9 майыште, сенымашым пайремлыме кечын, нелын эмганен. Тудо тунам Венгрийыште лийын. Будапешт олаште строй дене ошкылмышт годым пörтын кокымшо пачашыже гыч нунын үмбак гранатым кудалтеныт. Гранате чыланыштым кўрышт пытарен, кочамым Юмо арален. Кужу жап госпитальыште киен. Паремкекыже, Японий ваштареш крдалаш каен. 1946 ий 1 ноябрьыште мөнгө пörтылын.

Денис ГАРАЕВ.

Оршанке, Упшо.

Сенгымашлан – 75 ий



Вачыштына – ужар погон

Мый А.М.Яналов лүмеш 1-ше номеран Шернур школышто тунемам. Школыштына кадет-пограничник кок класс уло. Вуйлатыше – Е.Г.Таникеев. Ик классыштыже мый тунемам. Кудымшо классыште шинчымашым погымына годым мыланна ужар беретым чиктеныт. Военный теме дене кылдалтше тўрлө слётышто вийнам тергена. Тений военно-патриотический клуб-влакын районысо слёгыштышт сенгышыш лектынна, районын чапшым республикыште араленна. Урок деч вара ешартыш занятий-влак эртаралтыт. Автоматым жаплан погена, лўйкалаш тунемына, капкылнам шуарена. Пограничник-влак мыланна шуко онайым каласкалат. Кок класс гыч 11 ег «Верность» военно-патриотический клубыш пура. Мыят нунын коклаште улам.

Костя ИВАНОВ.



Фотом школын архивше гыч налме.



Разведчик лийын

Кугезе кочам Дмитрий Сергеевич Васильев Марий Турек районысо Марий Ноледўр ялыште шочын. Сар деч ончыч вондерым куштымаште ачажлан польшкален. Сар тўналмеке, фронтыш каен, разведкыш логалын. Икана, заданийым шуктымыж годым, мине дене мўшкыржō кушкедлен. Сусыргымекше, кочамым мөнгө колтеныт. Но йонгылыш камвочмекыже, ылышыжым арален коден кертын огытыл. 1944 ийыште ош тўня дене курымешлан чеверласен.

Карина ПЕТУХОВА.

Кужәнер школ.



Конкурс

17-20 сентябрьыште Санкт-Петербургышто Сенгымашлан 75 ий темылан пөлеклалтше «Казачья застава» X всероссийский фестиваль-конкурс эртаралтеш. Участник-влак мурымо, куштымо, сылнын лудмо, семўзгар дене шоктымо, кидпаша мастарлыкыштым терген кертыт. Фестиваль-конкурс нерген тўрыс уверым centerzarnica.ru сайтыште ончаш лиеш.




«Ямде лий» 2020 ий 22 август

Лүм: Борис Андреевич Цариков.
Шочын: 1925 ий 31 октябрь, Белоруссий, Гомель ола.

#пионер ГЕРОЙ

2020 ий – Шарнымаш да чап идалык.



Подвиг: 43-шо стрелковый полкын разведчикше лийын. Борис Цариков 1943 ий 15 октябрьыште Гомель кундемьште Днепр энгерым эн ончыч вончен, пурла серыштыже Йошкар тистым нолталын. 17 ияш рвезе Днепрын шола могыр серысе штабышке вич гана уверым намиен. Эгер гоч вончымыж годым 50 утла совет салтакым утарен.

1943 ий 13 ноябрьыште үмыржө кұрылтын.

Чап: Гомель олесе школ геройын лүмжым нумалеш. Самара кундемысе «Алые паруса» йоча лагерь воктене Б.Цариковлан памятник уло.

Йошкар Тисте, Ленин орден-влак дене палемдалтын.

1943 ий 30 октябрьыште Совет Ушем Герой лүмым пуымо.

Сукарам кочкыныт

Кугезе ковам Ксения Васильевна Колесникова Кужэнер район Шойдүн ялеш 1925 ий 25 сентябрьыште шочын. Шучко сар тўналмылан 16 ияш лийын. 1941 ий ноябрь тылзыште ковамым моло дене пырля ФЗО-шко (фабрично-заводской обучений) нангаенит. «Кочкаш, чияш уке, киндым изиш веле пузныт», – шарналтен ойлен ковам. Кок йолташыж дене мөнгө шылын куржыныт. Вара нуным чодыра пўчкаш поктен колтенит. Тушто пушенгым йорыктенит, укшым руэныт, пум имне дене шупшыктенит. Шукын пушенге йымалан пызыралт коленыт, йолышт-кидышт сусырген. Нуно мөнгө гыч кондымо сукарам, кылме парентгым кочкыныт. Баракыште иленит. Неле лийын гынат, чытен лектыныт. Мыйын ковам 94 ийым илен.

Дима ЕФРЕМОВ.


Кужэнер, Руш Шой.



Кугу Ачамланде сар годым фашист ваштареш йоча-влакат крдалыныт.

Факт

Белоруссийыште гына 74500 үдыр-рвезе партизан отрядлашке ушнен. Кугу Ачамланде сар годым лүддымылыкым дагеройлыкым ончыктышо 35 тўжем пионер ден йоча орден да медаль дене палемдалтын.



Морко район Коркатово лицейын тунемшыже Ирина Петрова (снимкыште) Совет Ушем Герой Николай Павлович Павлов нерген каласкала.



Больнице огыл – госпиталь

Звенигово районысо Красногорский посёлкышто эмлымвер уло. Верысе калык больницым «госпиталь» манеш. «Молан тыге ойлат?» – йодым ачам деч. Тыгерак вашештыш: «Кугу Ачамланде сар жапыште Красногорский посёлкышто 3071-ше номеран эвакогоспиталь пашам ыштен. 25 эмлызе, 76 медшўжар, 89 санитарке шочмо элнан эрыкше верч сусыргышо-влаклан йолымбак шогалаш полшенит. Чылаже 10 тўжем утла салтак эмлалтын, 5148 операций да 179177 тўрлө процедур ышталтыныт. Сар деч вара госпитальыште сарын ветеранже-влак эмлалтыныт».

Аня ВИНОГорова.

Звенигово, 2-шо номеран Красногорский школ.

Историйым шергалына

1739 ий 28 августышто руш-турко сар годым (1735-1739 ийла) генерал-фельдмаршал Бурхард Минихын вуйлатыме руш войска Ставчан села воктене турко армийым кырен шалатен.

1944 ий 24 август – Кишинёвм фашист тўжка деч утарыме кече. Яско-Кишинёв операций 20 августышто тўжалын. Совет войска тумманын 18 дивизийжым пытарен.



Сенгымашлан – 75 ий

«Ямде лий» 2020 ий 22 август





2020 ий – Шарнымаш да чап идалык.

Лүддымө совет салтак

Сергей Алексеевын

«Кавашке той гай нөлталтын» ойлымашы-жым («Ямде лий», 2020 ий 11 апрель) ик шүлүш дене лудым. Тудо Кугу

Ачамланде сар годым чын лийше факт негызеш возалтын. Совет салтак Берлиныште изи немыч үдырым утарен. Мый совет салтак-влак дене кугешнем. Нуно Шочмо элым араленыт. Тыгодым вес калыкланат полшенит. Лач тидын нергенак ойлымашын авторжо ойла. Берлиныште шогалтыме шарныктышат ты шонымашымак ушештара.

Яна ДМИТРИЕВА.

Морко, Коркатово.

Филворд

Э	Г	Р	О	М	О	В	О	Р	К
А	Л	О	Г	П	И	Р	Т	И	Р
Р	Х	А	Е	Р	Л	Я	М	С	А
Х	О	Л	К	О	В	Б	Т	У	С
И	У	Е	Ш	Х	Т	И	Т	В	Н
П	Г	Б	Н	О	Л	Н	Р	О	О
О	Д	Е	Ф	Р	П	И	Т	Р	В
В	О	Д	Л	О	Т	Н	Р	О	К
Е	В	Е	Б	В	И	П	Д	В	О
В	Н	В	О	П	А	В	Л	О	В

Марий Эл гыч Совет Ушем Герой-влакын лүмьштым муза.

Самолёт-влакын лүмьштым палыза да сиретышт дене ушыза.



Пе-2

Ла-5

И-16

Як-9





Синквейн

Сар

Шыде, шикшан, вүран.
Пудештеш, урмыжеш, шортара.
Историйын лаштыкше.
Шучко омо.

Олеся ВОЙКИНА.
Шернур, Эшполдино.

Йоча-влак, пилоткым ыштен ончыза.



Задаче

Кугу Ачамланде сар годым кодшо ужаш-влак гыч 1156 винтовкым да икмынар пулемётым погеныт. Пулемёт-влакын чотыштым 733-лан шукемдаш гын, винтовко ден пулемёт-влакын чотыштыктөр лиеш. Тылын труженикше-влак мынар пулемётым погеныт?

Сенымашлан – 75 ий



Оля СТЕПАНОВАН сүретше. Морко, Шап Унчо.



«Ямде лий» 2020 ий 22 август

Печать да массовый коммуникаций шотышто федерал агентствын окса польшыж ден кумшо.



Игече шыже велыш тайна гына, понго-влак куанен лекташат тўналыт. Погаш веле ит өркане! Могай түрлө понго уке: ошпонго, куэвонго, рывыжвонго, йошкарүмбал, курезе... Поян мемнан чодырана.

Н.ГОДУНОВАН
фотожо.

Понго деке

Ик эрдене уло еш ден
Понгым погаш кайышна.
Ўйвонго – пүнчерлаште,
Кеч сава ден солен кай!
Куэрлаште синяпкаже
Түрлө түсан картузан.
Лектыш сай! А кумылнаже!
Улына эн пиалан!

Егор АКТАНАЕВ.
Медведево, Руэм.

*Кўдырчў
йўкым колын,
попгат шинча-
жым почеш.*

*Чодыра ўмбалне
тўтыра шога –
попго лектеш.*

Калык пале.



Шоганым погаш жап толын шуын.
«Шонанпыл» йочасадын изи группыш
коштшо икшыве-влак тынар шуко
шоганым ончен куштеныт.

И.СЕМЕНОВАН фотожо.
Медведево, У Арбан.

**27 август –
Российысе кинон
кечыже.**

Веселан канем

Кенеж пагытым пеш йоратем. Яра жап лынак. Олыкышто йолташ-влак дене мече дене модына, куржталына, велосипед дене кудалыштына да эре у модышым шонен лукгына. Книгамат окаш ом мондо. Кажне кечын рушла да марла ик-кум лаштыкым лудам. Туныктышына, тунемме ий тўналмеке, лудмо книга-влак почеш проектым ышташ кўшта.

Роман ИШМУРЗИН.
Татарстан, Агрыз, Буймо.



Сўретым чиялте.

МАРАФОН ТАЛАНТОВ *Шуко шочшан ешыште кушо йоча-влаклан «Марафон талантов» всероссийский онлайн-конкурс эртаралтеш. Тангасымашке ўдыр-рвезе-влак, тыгак тўшка коллектив (участник-влак пелыже утла шуко шочшан ешыште кушо лийшаш улыт) ушнен кертят. Вокал, хореографий да мутланыме жанрла дене усталыкым тергаш лиеш. Келшыше жанрым ойырен, выступленийым видеош войзыман. Тудым соцкыллаште #марафонталантов2020 #многдетнаяроссия хэштег-влак дене палемден верандыман. Марафон талантов сайтыште анкетым возен, 10 сентябрь марте колтыман.*

Конкурс

«Ямде лий» 2020 ий 22 август



Индекс: П4696.
Тираж 900 экз. Заказ
Формат – А-4-8.
Тўн редактор Л.В.СЕМЕНОВА.
https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.rf

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашаш шотышто министерстве, «Ямде лий» газет» кугыжаныш унитарный казна предприятий.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиим аралымаште законодательствым шуктен шогымым эскерыше Федеральный службын Приволжский федеральный округысо управленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымашышт түрлө лийын кертят. Серыш-влак мўнгеш огыт колталт.
Ак – кутырен келшыме почеш.

Редакцийын да издательыне адресше:
424006, Йошкар-Ола, СССР Вооружённый Вийын 70-ше идалькше урем, 20-шо пўрт.
Тел. 8(8362) 45-22-82(факс)

Конкурс

**Пүртүс
лонташте**



Евгения КОРНЕВА.
Татарстан, Агрыз, Буймо.




Костя ЕМЕНГУЛОВ.
Шернур посёлко.



Алина ПОРФИРЬЕВА.
Марий Турек, Ёлыт Турек.

Судуку



Цифр-влакым радам дене ушыза да лекше сүретым чиялтыза.




Тушто-влак

Шўжарже изаж деке мия, да изаже шўжарже дечын шылеши.

Пөрт леведыш ўмбалне кадыр вурдан корка кия.

Математике кроссворд



15 ойыртемын муза.



Соснаиге-влаклан корным муаш полшыза.



Чодырасе янлык-влакым дўмышт дене кельштарыза.

Ошривыж **Урымдо** Шурманше **Луй** Рожамак



«Ямде лий» 2020 ий 22 август

Интернетысе сүрет-влакым кучылтмо.